

Izjava OHR-a na konferenciji za medije međunarodnih organizacija u Mostaru

Izazov za političke predstavnike Bosne i Hercegovine

U jučešnjem obraćanju Zastupničkom domu BH Parlamenta Visoki predstavnik istaknuo je da su najvažniji dvostruki strateški ciljevi dugo uspostavljeni, a to su članstvo u NATO-vom Partnerstvu za mir, te pokretanje zvaničnih pregovora o Sporazumu o Stabilizaciji i pridruživanju – SAA – sa Evropskom unijom.

Postoje samo dva ključna pitanja koja ostaju neriješena za Evropsku uniju: usvajanje zakona o sistemu javnog emitiranja u skladu sa daytonskim principima i uvjetima Evropske komisije; te sporazum o restrukturiranju policije u skladu sa principima Evropske unije.

Najvažniji cilj je da se ove dvije preostale prepreke raščiste u narednih nekoliko sedmica. U tom smislu Visoki predstavnik je apelirao na bosanskohercegovačke političare da iznađu istinski politički koncenzus – među strankama, koji će uključiti one na vlasti i u opoziciji – o planu reforme za Evropsku uniju.

Činjenica da ova pitanja isuviše često postaju žrtve političkih prepucavanja među strankama je nešto čega je svako svjestan, a pogotovo biračko tijelo Bosne i Hercegovine. Nedavna ispitivanja – poslije kod mene možete dobiti sve njihove grafičke prikaze – pokazuju da ne postoji povezanost između onoga što ljudi očekuju i načina na koji vide sposobnost svojih predstavnika da obavljaju posao, kako onih u vlasti, tako onih u opoziciji. Igra bez dobitnika, što je bosanskohercegovačka politička zbilja, ima ozbiljne posljedice po stanovništvo BiH..

Kao što možete vidjeti, cijelih 86% stanovništva BiH žele da se BiH priključi Evropi. Sve izabrane predstavnike najviše treba zabrinuti to što većina ljudi u BiH smatra da će ih u EU najbrže odvesti međunarodna zajednica. Osim toga, više od 65% ljudi smatra da i vladajućim i opozicionim strankama nedostaje vjerodostojnosti. Ta poruka ne može biti jasnija.

Kako riješiti taj problem? Kao što je Visoki predstavnik jučer rekao Šćitiram Ć "svaka zemlja koja se posljednjih godina uspjela priključiti EU postigla je koncenzus među političkim strankama, te uspjela reforme EU-a staviti ispred svakodnevnih političkih svađa" Šzavršen citat Ć.

BiH pred sobom ima jako veliku priliku: da ove godine, prije 10. godišnjice Dayton, pređe prag kako bi započela proces stabilizacije i pridruživanja – SSP. To je glavni zadatak na koji se trebaju usredotočiti i na njemu zajednički raditi svi političari u BiH.

Visoki predstavnik danas u Goraždu

Visoki predstavnik danas je u posjeti Goraždu gdje se sastaje s premijerom kantona, Salkom Obhodašem i ministrom unutrašnjih poslova, Nusretom Šipovićem. Oni će razgovarati o općoj situaciji u tom kantonu, a posebno o važnosti reforme policije.

Ovdje imate kopije obavijesti za medije koje možete uzeti nakon konferencije za štampu.